

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

**Odbor za obrazovanje, nauku, kulturu,
sport i pitanja mladih**

Broj: 02/18-02-2348/23

Sarajevo, 4. 10. 2023. godine

**DOMU NARODA
PARLAMENTA FEDERACIJE BiH**

Odbor za obrazovanje, nauku, kulturu, sport i pitanja mladih Doma naroda Parlamenta Federacije Bosne i Hercegovine, na **1. sjednici** održanoj 4. 10. 2023. godine, razmatrao je:

1. Aktuelna problematika u sufinansiranju sporta u Federaciji BiH – radni sastanak sa strukovnim savezima loptačkih sportova i ostalim savezima.

Na osnovu člana 51., a u vezi s članom 72. Poslovnika o radu Doma naroda Parlamenta Federacije Bosne i Hercegovine, Odbor podnosi Domu naroda sljedeći

I Z V J E Š T A J

1. Aktuelna problematika u sufinansiranju sporta u Federaciji BiH – radni sastanak sa strukovnim savezima loptačkih sportova i ostalim savezima.

Odbor za obrazovanje, nauku, kulturu, sport i pitanja mladih Doma naroda Parlamenta Federacije BiH, održao je Prvi radni sastanak sa predstavnicima Federalnog ministarstva kulture i sporta, Federalnog ministarstva finansija i strukovnih sportskih saveza i ostalih saveza o temi “**Aktuelna problematika u sufinansiranju sporta u Federaciji Bosne i Hercegovine**”.

Nakon sveobuhvatne rasprave prisutnih u kojoj su aktivno učestvovali svi predstavnici strukovnih sportskih saveza, kao i predstavnici nadležnih resornih ministarstava Federacije BiH, doneseni su zaključci kojim se podržavaju aktivnosti Odbora za obrazovanje, nauku, kulturu, sport i pitanja mladih Doma naroda Parlamenta Federacije BiH, s ciljem da se pokrene proces iniciranja Zakona o sportu Federacije BiH, kojim bi se uredile sve ključne oblasti koje tretiraju sportsku problematiku na nivou Federacije BiH.

Ono što se mora promijeniti u narednom periodu je politika raspodjele sredstava iz budžeta Federacije BiH, a da bi se to promijenilo, potreban je veći stepen koordinacije i nadzor onih koji su iznad, a to su Dom naroda i Parlament Federacije BiH.

Članovi Odbora za obrazovanje, nauku, kulturu, sport i pitanja mladih Doma naroda Parlamenta Federacije BiH zauzeli su stav o potrebi održavanja sastanka za premijerom Vlade Federacije BiH i federalnom ministricom kulture i sporta.

Također je predloženo formiranje Komisije za izradu Zakona o sportu Federacije BiH koju bi činili članovi Odbora, predstavnici nadležnog resornog ministarstva Federacije BiH, Olimpijskog komiteta BiH, predstavnici strukovnih sportskih saveza, paraolimpijskog saveza, novinara i istaknutih sportskih djelatnika.

I na kraju, Odbor za obrazovanje, nauku, kulturu, sport i pitanja mladih Doma naroda Parlamenta Federacije BiH je zaključio da je ovo bio prvi u nizu sastanaka koji će se kontinuirano održavati u narednom periodu kako bi se definisali primarni ciljevi razvoja sporta u Federaciji BiH.

Za izvjestioca Odbora na sjednici Doma naroda Parlamenta Federacije, određen je Emir Dautović, predsjednik Odbora.

PREDSJEDNIK ODBORA

Emir Dautović

